

良鄉縣志

良鄉縣志

郡縣之有圖志尚矣古之為政者必先采其風謠相其土宜經理其山川考正其貢賦與辨夫人才之升降鄉俗之醕漓然後曰地布化隨俗致理得以有所藉手自職方氏掌天下之圖而

序

一

圖經始見班孟堅載地理之志而志書始行志固史之類也故修史之難無出於志昔江文通嘗言之矣良鄉古屬幽州於天文為箕尾分野置縣始於西漢以其人物俱良故名

國朝曰之邑城土垣而固地當
輦轂孔道徵發供億騷然起視
四封長短截補僅四十里然北
拱都城南控涿鹿東縈瀑水西
擁房山西山之雲氣竒峯皆得
以延之揖之則殊標形勝也民

序

二

風夙稱樸茂稽戶口盖萬六千有
竒以今較昔為遠不逮大抵土
田糧賦之變易郵政徭役之衝
繁有以致之歟俗瘠則施教難
秀良子弟或亦銳志磋磨而不以
學業為急務者所在多有科名

之未竟暢遂職此故耳此皆考舊志而可知其畧者也舊志始於康熙癸丑歲為前令李公慶祖所構造迨庚辰歲為前令楊公嗣竒所刊成迄今一百數十年矣其間官師更替政治沿革時事

序

三

民情大殊疇昔不知凡幾而志書缺然後有來者將何以按圖考索而知通變措置之大用耶然則慨往籍之謬悠睇世代之綿邈遺文令緒表章修明非鄉邦士大夫之責而誰責耶鄉邦士大

夫未遑修而舉之非官斯土者之責而誰責歟余自承乏茲邑下車後與邑中諸耆秀相商確首稽志事夫志記也士心也士有是心而弗能達之遠且久者非志也見諸行事措諸庶民可以示當世

序

四

而垂後來用昭余為士之時心已若此故曰志爰於戊子歲啟禮黃君古腴相與屬稿每即舊志中取與詳核而文古雅尚合於史法者存之舊所未備而續經採訪者補之其待興創革除不能猝

致則詳誌其利弊而以次畧之至
徵文考獻有關掌故尤必為之
慎重而周詳亦謂志與史相表裏
不容稍有私意為愛憎也余與邑
士大夫常兢兢焉閱六月編成余
復詳加考訂綱舉目張瞭然秩然

序

五

此則矢公矢慎之心可以共白者也
若夫宣
天家之
盛德撫我黎民固縣令責也事
不外教養兩端而回地布化隨俗
致理其曲盡夫教養之故以求

洽於民而止余不敏盖披覽
志而益不敢不勉也已是为序
光緒十有五年季春月知良鄉
縣事范履福撰

良鄉縣舊志序

明翰林郭秉聰

良鄉畿輔首縣縣志久闕至止者慨焉豈以路當要衝使輶旁午疲於賓餞無暇及此耶黔南安侯履任二載政通人和百廢俱興謂志之係於邑也甚重乃銳意創修請鄉大夫箕峰楊公博取羣書旁詢故老爲之蒐羅幽逸凡有關於政教者攬錄罔遺彪分臚列纂次成編一切撰述楊君獨任其勩越三月告成而候復加校閱

舊志序

一

裁正焉果足以信今傳後矣乃謀梓鋟屬予爲序夫古者地里有圖有誌蓋周官職方氏與小史外史所序而道以詔王者非徒飭吏事廣見聞已也良鄉隸順天府其邑之山川田賦宦迹民風與夫人材物產載在一統誌邑誌若可無者然一統誌天下之書也其法略邑誌一方之書也其法詳猶史家之有本紀以舉其綱必有列傳以張其目也况良於甸服在一同而內者

乎故吏斯土者觀山川則知地形之險易觀田賦則知公歛之厚薄觀宦迹則知吏治之得失觀民風則知習俗之醇漓觀人材則知世運之升降觀物產則知民需之豐嗇考據既真籌畫斯允因時敷政通變宜民而生斯地者觀感興起咸有所資焉其爲治化之助豈小補哉侯又奉當事建議承檄修邑城告竣在邇畿南永賴皆曠舉也而誌適成可並垂不朽矣侯名守魯

舊志序

二

字汝確號文崖黔南人壬子經元楊君名守正字汝靜興州中屯衛人以明經尹固城誌凡六卷是爲序

舊志序後概不紀年令閱者茫然殊不可解以後二序考之此序當在前明嘉靖三十九年歲次戊午良邑有志此其權輿也

台山郝錫疇識

良鄉縣舊志序

康熙十二年
癸丑知縣

李慶祖

維王建國辨方正位體國經野設官分職以爲
民極乃立職方氏以掌天下之圖書殆文獻之
昉乎推而至於郡縣莫不有志然而膺斯任者
非具上下古今之識不足以談天下之事是故
不鑒已往無以知來不觀已著無以察微則網
羅舊文摭拾故典非謂矜博雅實以經世務也
夫天地之氣運風俗方域之鍾靈毓秀以至紀

舊志序

三

綱法度祀典賓興財賦兵戎偶舉一事而事之
本末因革未能燭照數計亦何以布政宜民垂
庥光而昭後世耶余自辛亥春承乏茲土撫失
業之殘黎整首衝之罷敝弭嘯聚於未萌起衰
頹於既往又何敢拮据之不早綢繆之不豫哉
今日者歲序粗稔人才奮興不揣固陋欲急蒐
邑志以悉人物風俗之勝徒得之父老傳聞被
厄秦火者久矣忽蒙

憲檄恭遇

聖天子嘉納端揆之建白

勅集通誌以備一代之典事固盛舉促應實難幾煩
搜訪一日得之邑紳侍御張君張君以渾金璞
玉之資抱博古通今之學出家藏秘本爲君胞
兄斥邱尹所夙構者舊志距今一百一十五年
矣時移事變百年餘之行事未續雖舊冊僅存
與無冊同爰開誌館以纂修之事託重張君復

舊志序

四

延茂才數人佐之仰察象緯俯覽山川中極人
事綜據六經博採史傳禮耆耄而諮詢式遺賢
而訪問百有餘年之事燦若懸瓊而百餘年以
前之事亦因之以傳但披覽往帙有止詳故實
不載論議者悉增之有宜於往昔不切今茲者
悉刪之斟酌必期於當校讎必極其精余又從
而論定焉綜其大旨參其未備釐其所不急俾
其志圖說也謹而確原隲在望衡紀垂芒無忘

小民之依感召之理焉其志田賦也典而法田
分三則賦分三則期不失先王什一取民之制
焉其志人物也立意嚴而存心恕不因所喜而
飾之不因所惡而掩之其志藝文也慎而有體
有關於經濟有堪爲儀型者方取焉其建置與
官師可志也可大可久勳業在一時功德在奕
世千載之松楸百年之俎豆視之如一日焉後
之人考憲典而敷正教式前烈而惠下民胥賴

舊志序

五

是也志之關於治道不甚鉅歟夫統立其綱而
次之有序復晰其目而論之有端按圖索意仰
副德心其於

聖天子體國經野設官分職之意亦可以稱塞於萬
一矣余何敢以固陋自諉哉

良鄉縣舊志序

康熙四十年
辛巳知縣

楊嗣奇

方今

皇上命翰林儒臣纂修

大清一統志樂觀厥成用以黼黻太平輝煌治道甚
鉅典也凡在百爾臣工何幸躬逢其盛普天率
土自當鼓吹休明拜揚

聖德乃嗣奇以疎逖小臣於庚辰春仲謬膺簡書司
牧良邑甫受事卽欲得本縣邑乘考稽我

舊志序

六

朝歷任是邑循良著績者爲法不意蒐求後僅得
寫冊三本係前令李公慶祖與邑柱史張公諱
璟者重修之書反覆披閱但見字多魚魯殘缺
未備爲康熙癸丑歲所構造夫自癸丑距辛巳
將及三十載其間官師之去留士民之習尚土
田賦役之規制不知幾經變易矣顧今闕略未
補他日太史採風邑屬
畿南首善將何以憑籍仰副

聖天子稽古右文之盛治乎不幾辱

朝廷而羞縉紳耶爰謀諸學博李君維翰二尹孔君衍杰暨邑貢士見聖庠廩生陳玘唐美中且俾鄉耆里老訪輯四境軼事有關政教風化者添入簡末相與叅互考訂訛者正之繁者芟之缺者補之更不吝捐俸助資繕寫四本用付剞劂裝訂成書以便觀覽卽未必功同信史庶幾一邑文獻頗有足徵竊附績貂前人之意云耳

舊志序

七

敢謂職任衝罷小邑勤勞

王事救過不遑修辭著書非不敏之責也哉遂援不律而爲序

重修良鄉縣志序

光緒七年
辛巳知縣

陳

嶠

午樵

良邑東接宛平南鄰涿鹿西與北毘連房山廣
袤相準方僅四十里其山燎石岡一培塿也其
水廣陽河一衣帶也其俗樸遯其民彫劫然近
畿各縣號繁劇者獨以良鄉稱首誠以密邇國
門拱衛

神皋東南十三省有事京師者無不取道於斯
冠蓋之送迎邸舍之供頓文移郵遞之分遞進

新志序

八

奏飛騎之交馳方物入貢晝夜之護持餉車轉
運遠邇之巡警轟隱旁午徵呼絡繹小民拮据
供役日不暇給兼之境內土田多隸旗莊畎澮
隱沒佃租轆轤爭訟不已趾錯於門官斯土者
措置一有不當謠詠決裂每至不可收拾以故
前人創修縣志垂法後來意甚厚也乃自康熙
癸丑辛巳兩次修補迄今百八十年無鈔本方
今

國家中興百廢具舉

大府輯修畿輔通志分飭屬邑各修志乘以備
采擇庚辰冬月^嶠權攝斯邑下車伊始卽事搜
羅舊稿僅存焉烏譌舛文獻無徵傳聞互異欲
摭摭案牘則自道光壬辰河伯告災斷爛無一
存者爰爲倡捐開館延司鐸郝君壽田暨游君
雪門薛君召棠秉筆編訂復囑紳耆徐君南村
諸君子佐之^嶠治事之餘參觀校閱稽核舊志

新志序

九

博訪遺佚遠旣無徵姑從闕略近而可信必致
周詳義取臚新例兼述舊凡六越月而告成然後
一邑之典章規制燦然可觀焉夫時移事殊今
昔不同仍舊貫者知成憲之當遵隸新章者知
改絃之有自由是稽田賦察戶口利弊所在若
判黑白庶幾彫劫可復繁劇可治爾後之君子
隨時增葺勿復如前日之廢墜是則^嶠所厚望
也夫

良鄉縣舊志凡序

邑人張璟

由今距舊志創藁百有餘年中更治亂繼以

鼎新河山邈然風物經起凡民材吏治必將有自困

而亨自剝而復以應

國家之三階平百度貞者削簡珥筆謹疏條綱目

以俟煒煌之書使天下之視

畿南彈丸若攝提一星之迴指孟陬也非僅一邑

之掌故已也

舊志凡例

十

一前代安邑侯嘉與吾邑披草萊而琬琰之箕峰

楊君以邑之子羽克協德心共襄厥美兩君子

意良厚尸之俎之勿諼宜矣惟是編從草創意

取亟成不無有望於踵事而百易寒暑作者潤

焉兼以祝融闕伯實相吾邑取剗剗之故而燔

焉靡遺舍舊謀新曷容以已

一事有權輿物有本始志之舊本家孟加意諮訪

博爲蒐求乙未入長安得之於方城之友丁未

從簿領之隙稍爲更張條紀以當單父之促柱
河陽之蒔化然而摛辭傳義則謙讓未遑且兢
兢闕文述先待後其慎且難者原以俟之大雅
君子是誌也謀之數年而竣於一旦全賴我
父母鐵嶺李侯握塑丹鉛黼黻鑒定用集厥成
一綱之數十目之數六十有六維王建國經野夏
之貢周之職方輿地之自昉也乃召司空迺召
司徒必建置具斯戶口土田賦役隸焉然後治

舊志凡例

十一

之以官師而人材之淑慝旌別焉其次設教以
神其次阜財以物存衛制鑿廢興也書舊例備
攷究也紀災祥惕修悖也于是乎受之以賁則
藝文終之目之說散見於綱者茲不具述
一官師之名宦人材之鄉賢一書之裘領也惟我
邦之人好惡也慎取舍也嚴無匿瑕無遺美故
茲所登者疑信不敢並傳餘以聽後之論定者
一古之圖與書也合今之圖與書也分凡山川人

物禮器古以圖合故精詳今以圖分故鹵莽史之年表皆圖類也未嘗離立於外也凡今之爲志者外圖於條目甚無謂茲獨內之先圖次星野焉

一邑莫重於民事曰戶口曰田土是二者之數又合之以賦役似複矣亦謂其重也宜詳

一舊志孝義綴於選舉之後茲改綴於鄉賢閭巷之善得先於士大夫古者尙德之遺意歟抑曰

舊志凡例

十二

三物賓興卽選舉之所自本焉爾

一藝文之於誌猶左右史之紀事必紀言也事取其實言蔚其華華而失實固敝矣實而無華是亦虎豹無文章與羊質等山川無雲霞與裸壤等耳荒墟之斷碣方外之窮碑摩挲洗削固宜有錦心繡口不容滅沒者所當與好古之士同懷蒐討以助炳烺之觀

一天道十年一小變卽如科名之增秩官之易戶

口賦役之損益德藝之日新見聞之日廣皆不
容俟之數十年今日之事仰奉

綸音彙修通誌公祖父母之事也過此以往可任其
久而湮軼乎愚擬與同人約凡甲乙丙論升之
日卽額輸坊匾銀四分之一以爲續修之資庶
幾文獻勿墜尙有典型

重修良鄉縣志銜名姓氏

總理

藍翎五品銜鹽山縣知縣

前署良鄉縣事

陳 嶠

山東蓬萊縣人

候補知府在任儘

先前即補直隸州知州良鄉縣事

范履福

江西德化貢生

監修

儘先前補

用直隸州知州在任儘先前即選知縣良鄉縣教諭

趙榮勳

直隸平泉甲子舉人

協修

良鄉縣訓導

逯鳳圖

直隸東明癸酉舉人

良鄉縣志

銜名姓氏

十四

總纂

遇缺即補內閣侍讀內閣中書

會典館協修 方畧館校對 管理誥勅房事務本衙門撰文

黃儒荃

江西德化庚午舉人

分纂

癸酉科拔貢候選教諭

薛 蔭

邑人

前任良鄉縣訓導

郝錫疇

直隸南皮人

校對

五品銜前任興京教諭

徐 瑞

邑人乙卯舉人

生員

張 墉

邑人

候選中書科中書前任河間府訓導

孫達

邑人

五品銜內務府筆帖式

長馨

漢軍旗人

丙戌科進士戶部主事

魏延齡

邑人

候選訓導

鄭耀臨

邑人

生員

王成志

邑人

辛酉科拔貢山東候補知縣

魏瀚

邑人

採訪

壬午科舉人

陳琇

邑人

良鄉縣志

銜名姓氏

十五

歲貢生

游觀易

邑人

翰林院待詔

恒祥

紅旗駐防人

廩生

王際泰

邑人

生員

張諭

邑人

正字

五品銜卽選教諭

紀昌文

順天文安人 入歲貢

督梓

良鄉縣縣丞

吳葆長

江甯人

鳩工

良鄉縣典史

陳國祥
浙江人

良鄉縣志

銜名姓氏

十六

良鄉縣志

凡例

一良鄉舊志一修於前明嘉靖三十九年再修於康熙癸丑再修於康熙辛巳至光緒辛巳邑侯陳公午橋延郝廣文錫疇薛拔萃蔭復爲纂輯凡四修迄未見刊本帝虎魯魚久且莫辨茲舉疑似處更正之

一陳志以元亨利貞分本綱目半從舊志而人物志

良鄉縣志

凡例

十七

獨闕茲網羅散失參以採訪所得始成全書其各門中有缺略舛誤者搜考截藉間爲刪潤非敢侈美亦求詳之意也

一陳志無全書迄今八年所宜搜採增輯者益多邑宰范公深慮其廢失則一邑之文獻無徵因急於藏事未及設局探訪亦無專司零星郵寄京師其間重複錯雜校核殊難且自夏徂秋凡四閱月而告成挂漏粗疎謹俟教於博雅之君子

一陳志坊阮文達公重修廣東志例敬錄

宸章以冠卷首惟遺漏尙多茲特博訪備登益足輝煌
志乘

一志書仿史例標題綱目特繁簡微異今載卷首綱
八曰輿地曰建置曰賦役曰官師曰人物曰紀幽
曰物產曰藝文列目凡七十三依序相從庶幾瞭
如指掌

一舊志死目不載忠烈疑於昭忠之典缺焉弗詳今

良鄉縣志

凡例

十八

悉增入凡殉節諸人其事蹟可稽者罔不備登間
有採於府志其生平實行未能臚舉者亦存大略
以見大節昭然

一舊志以選舉武功成均吏椽分目今易爲進士舉
貢表武科附焉又於文職眾途武職眾途統分列
表按籍考稽不必連篇累牘

一古人圖史並著亦謂按索有憑山川疆域徑輪廣
袤不啻身履目覩圖之繫乎志甚重也舊志圖凡

五僅舉大概悉未標名今仿府志繪就合境全圖
餘悉確訪繪圖標識名目以便觀覽

一生人不立傳雖文章事業足以傳世而一息尚存
所以自勵者何限古人蓋棺論定其義嚴而可畏
也故不敢阿所好而筆於書

一閨幃苦節風勵綱常例得

旌揚而窮簷之淹沒者正復不少是編凡採訪郵寄靡
不畢登非敢濫入亦善善從長之意惟開雕在卽

良鄉縣志

凡例

十九

補送參差則先後陸續編入年月序次不及詳考
識者諒之

良鄉縣志目錄

第一卷

宸翰

輿地志

地圖

星圖

疆域

沿革

山川

風俗

城池

鄉閭

村店

市集

古蹟

第二卷

良鄉縣志

目錄

一

建置志

行宮

郊勞臺

公署

學校

附學田

魁樓

倉場

塾堡

行署

館驛

橋梁

坊表

第三卷

賦役志

戶口

田賦

附鹽引
雜稅

經費

蠲免

第四卷

官師志

名宦

宰職

學職

椽屬

衛制

營汛

第五卷

人物志

鄉賢

忠烈

孝義

附耆老

僑寓

選舉

進士舉貢表

武進士
武舉附

封職表

良鄉縣志

目錄

一一

恩蔭

表

文職衆途表

武職衆途表

列女

第六卷

紀幽志

壇壝

祠廟

招提

丘壟

第七卷

物產志

穀類

蔬類

菓類

瓜類

貨類 木類 藥類 花類

草類 獸類 禽類 鱗類

蟲類

第八卷

藝文志

議 記 序 書 傳 碑

銘 表 詩

良鄉縣志 目錄 三

聖祖仁皇帝詩

幸宏恩寺

解夏清塵陌上襟
孟蘭大善見姚秦
臨風洗鉢龍池
雨凝露舒蓮瀑水
濱送節雙輪應夢
相收成萬物足
深澗窮通莫問老
僧語一任平生今
古津

高宗純皇帝詩

癸巳暮春上澣閱金門閘作

渾河似黃河性直情乃曲
順性防其情是宜機先燭

御製詩

卷一 宸翰

四

而此尤所難下流阻海屬殺盛蓄厥微在洩復在束

金門做毛城減漲資滲漉然彼去路遙

謂毛城鋪

此則去

路促

閘下減河自黃家河分支由津水窪達淀僅一百四十餘里路近勢促故易停淤

遙者尙迴瀾

毛城鋪去路既遠且有倒勾引河使減下之水澄清緩瀉故資宣洩之利而無

他患非若渾流直下一往莫遏也

促者橫流速斯誠非善

策驚見心粥粥亟籌救急方謂當挑壩築

水既直下勢難驟挽

命於閘上作挑水壩逼其迴溜成倒勾之勢然舒徐歸淀庶幾補偏之策耳

倒勾抵金門

餘溜俾歸谷非不圖屢閱終弗如親目然予試絜矩

九寓廊員幅一人豈徧及滋用增惕慙

閱永定河作

取道閱河干浮橋渡廣灘汎凌過竹箭水潦未桑乾

四載由來仰尾閭今度看

時以下口應籌疏濬故渡河繞道閱之

敬繩

仁祖志

永定河自

皇祖時始

永定冀安瀾

又閱永定河隄因示直隸總督方觀承

水田地中行其所無事要以禹為師禹貢無隄字

御製詩

卷一

宸翰

五

後世乃反諸祇惟隄是貴無隄免衝決有隄勞防備

若禹豈不易古今實異勢上古田廬稀不與水爭利

今則尺寸爭安得如許地為隄已末策中又有等欠

上者禦其漲歸漕則不治下者卑加高隄高河亦至

譬之築寬墻於上置溝渠

叶

行險以徼幸幾何其不

潰胡不籌疏濬功半費不貲

叶

因之日遷延愈久愈

難試兩日閱永定大率病在是

叶

無已相諮詢為補

偏救弊下口略更移取其趨下易培厚或可為加高

汝切忌多爲減水壩亦可殺漲異取土於河心卽寓

疏淤義

向來河臣治隄率以加高培厚爲請朕以培厚尙可加高則隄高而河亦日與俱高非良

策也其隄取土類取之隄外朕謂就近取隄外之土以益隄隄雖增而地愈下宜取河中淤出新土用之以培隄卽寓濬淤之義似爲兩得

河中有居民究非久長計相安姑

弗論宜禁新添寄條理爾其勤大端吾畧示桑乾豈

巨流束手煩計議隱隱聞南河與此無二致未臨先

懷憂永言識吾意

又閱永定河

御製詩

卷一

宸翰

六

永定本無定竹箭激濁湍長源來塞外兩山束其間

挾沙下且駛不致爲災患一過盧溝橋平行漸就寬

散漫任所流淤沙每成山其流復他徙自古稱桑乾

所以疏剔方不見紀冬官一水麥雖成亦時災大田

因之創築隄

聖人哀民艱行水屬之淀蕩漾歸清川其初非不佳無奈歷

多年河底日以高隄牆日以穿無已改下流至今凡

三遷前歲所遷口復歎門限然大吏請予視蒿目徒

憂煎我無禹之能况禹未洽旃詎云其可再不過爲
補偏下口依汝移目下庶且延復古事更張尋思有
所難

庚辰二月二十七日郊勞出征將軍兆惠富德
及諸將士禮成紀事

京縣郊南親勞軍

園壇陳燾謝成勳出師本意聊嘗試

西陲之役始以厄魯將
諸台吉率衆款附請兵

甚力我喀爾牧圍勢不可以錯處滋患無寧及其鋒
而偏師嘗試時計因其地以撫之故于類馮命將之

御製詩

卷一 宸翰

七

典概未舉行詳具乙亥告成碑記茲準夷旣平而回
中諸部以此戡定寅荷 上蒼 宗社鴻

麻非敢謂先時
逆睹及此也

奏凱今朝備禮文釋甲弋罷征伐

論功行賞策忠勤膝前抱見尙經歷

國初舊制出征
將領成功還皆

行抱膝跑見禮以
示優異今卽遵此

一瞬五載戚以欣

同心萬里那睽違畢竟歡言賦采薇勇將歸來兼福
將黻衣著得兼戎衣漫稱偃武修文日恐卽嬉文恬
武機飲至寧誇暢和樂持盈益勵慎幾微

仁宗睿皇帝詩

癸亥孟冬中澣過蘆溝橋作

上

陵冬日渡蘆溝拱極通衢路必由納稼慶豐穫嘉穀安瀾沐

澤靜洪流雲開晚旭升高樹霜落寒潮淨遠洲策馬

沙岡轉村店又看塔影出城頭

癸亥孟冬下澣曉行卽景

遠山現天末平林挂曉月驅車度霜皋霜輝逼毛髮

村鷄呶喔鳴羽衛方明發古岸積白沙淺水薄冰齧

御製詩

卷一

宸翰

八

四時運不窮輪轉無休歇漸覺夜景澄晚旭騰王闕

乙丑季春中澣

第一衝繁郡思艱厘寸衷官難免苛政民總仗年豐

飢溺懷胞與痾瘵憫困窮省耕春已暮勤政勅羣工

戊辰季春中澣

惠濟廟瞻禮畢過蘆溝橋作

永定衛京邑

神祠致瓣香安流普惠澤顯應現榮光欄楯獐獅伏

康莊駿馬驤疎林籠塔影廿里近良鄉

戊辰季春月之中澣行宮晚坐

近依帝里境衝繁城北行宮挹綠原疆可迎鑾畫三
接咨諏民隱採羣言

西林斜照輝庭除樸室清幽文景舒容膝心安養幾
暇芸編玩味樂三餘

己巳季春上澣

近京首邑稱難治供應往來財力疲賢可居官不擇

御製詩

卷一

宸翰

九

地龔黃政績在人爲

麥色初盈畝畝間一年生計軫民艱省耕布惠寬租
賦休息先從苛政刪

己巳季春上澣過盧溝橋

大川來渾源

州名

無定今永定拱極跨石梁兩岸百丈

巨春水漾中泓碧波含清瀅去歲幸津門下口疏滯
凝一貫皆暢行安瀾如響應治河首敬勤南北理印

證

丙子季春

神京首善鄉民俗果淳良不染漓澆習尚知禮義防
殫心化恠僻竭力飭官常不息勉勤敬庶幾治具張

戊寅季春上澣

豐台啓征轡廿里渡盧溝疊疊山屏秀依依柳線柔
衝繁推首郡襟帶近皇州習俗尚淳樸勛哉德化修

宣宗成皇帝詩

柳色

辛巳季春月下澣黃新莊行宮作

御製詩

卷一

宸翰

十

柳枝三起更三眠一雨初晴色借煙萬縷低垂空翠
裊幾行遠映嫩稊妍輕能引緒風微拂暖易抽萌日
仁穿已是可憐春在望還看遙綠滿平川

壬午三月九日

緩轡西郊往事悠驚心蹕啓暗增愁已傷秋孟程期
阻初值春三祀典修乍睹林巒青靄合徧看麥隴綠
芽抽銜恩日凜難承述抱痛終身豈解憂

癸未季秋十七日啓蹕作

曉策駛雲

名馬

山阜城驚時霜露倍傷情平沙細靄桑

乾渡孺慕終憂易水程觸目黍禾被靈潦關心堤堰
復經營亟宣疆可求民瘼在抱恫瘝夙夜縈

黃新莊行宮晚坐

癸未季秋

雲淨天空萬象秋鐙殘行館夜悠悠衰林拉瑟閒中
慨寸草離披望處愁省斂省耕思夏諺時風時雨問
西疇興懷明發增依慕繼序深恩慍未酬

丙戌二月二十七日恭謁

御製詩

卷一

宸翰

十一

西陵啓蹕作

不寒不暖艷陽天曉策飛霞

名馬

緩著鞭麥秀三春三

輔慶雨濡寸草寸心牽峰腰古刹雲中畫沙際花村

柳外煙西望

橋山增孺慕時光若驚歲華遷

戊子季秋月蘆溝曉渡

西望縈懷抱蘆溝策馬過嶺霜催落葉濁水斂長河
告祭精誠展瞻依感慨多豐盈看處處普穫九分禾

戊子季秋中澣黃新莊行宮晚坐卽事
霜降平皋顥氣清晚來行館亦怡情房山晴靄無邊
秀易水秋風第一程乍見疎林葉初落最欣長畝麥
皆萌辜恩債事眞堪恨成事翻然又不成

感言

戊子季秋黃新莊行宮

父母俱存慟不禁兄弟無故更難尋誰知樂境成憂
境須向塵心悟道心葉落枝頭詎有意雲流水面豈
留陰一憑造化窮通理世態人情漫見侵

御製詩

卷一

宸翰

十一

無無有有互生生滅伊何較重輕春煦明來含穢
濁秋霜陰始凜枯榮當頭月滿思完璧守口風清想
太羹八萬四千眞實法不齊齊處豈關情

庚寅三月十四日恭謁

西陵啓蹕卽事

春露秋霜暗愴心西瞻 珠阜慟難禁蘆溝入望經
行熟易水縈懷歲月深寸草含情開廣陌長楊引恨
宵疎林乘時甘澤眞優渥積雪晶瑩映遠岑

辛卯二月十八日啓鞞作

仲春緩轡趁朝行西望 珠邱愴寸情死障峯巒雲

乍歛含滋畎畝麥皆萌塵消廣陌和風拂柳映遙村

淡靄橫曉度蘆溝謁

神宇安瀾永賴惠羣氓

甲子季春恭謁

泉陵泣述

考妣深恩何以報誰知老大更增悲初攜幼子祈

御製詩

卷一 宸翰

十三

慈佑

皇四子皇五子均隨侍祇謁 珠邱成禮祥呈 姬媿福衍孫枝 慈佑無疆泣感曷其有既

重卜龍泉展孝思

龍泉峪萬年吉地密邇 昌陵 不獨龍脈蜿蜒扶輿積慶而據

弓劍之本展水木之思庶稍伸 予小子依依膝下之素志耳

愴憶當年叨

王膳泣逢今日舉金卮哀哀

膝下眞如昨惕厲承先勉有爲

文宗顯皇帝詩

渡蘆溝橋作恭依

皇祖詩韻

芳菲節過渡蘆溝策騎含辛蹕路由隴麥最欣沐甘

膏督臣已報靜凌流

近日已閱訥爾經
額凌汛安瀾奏報

網緼晴靄分

高岫潏沆春潮落遠洲指點蒼蒼煙樹外浮圖遙望

出城頭

十月十四日啓蹕渡蘆溝橋感賦


物候匆匆廿七月從宜無奈展西行鳴鞭卽目悲常
結撫序驚心淚暗傾日映疎林輕靄合冰和流水遠
沙平湯湯南下波何駛拜祝瀾安抒悃誠


御製詩

卷一


宸翰


十四














良鄉縣志卷之一

輿地志

地圖 星野 疆域 沿革 山川 風俗
城池 里屯 村店 市集 古蹟

天先乎地猶之君先乎臣次星野於地圖何也
曰灋歸藏也曷灋乎歸藏從邑所隸而紀之也
從邑所隸而紀之自今而古曰幽州自下而上
曰析木是故先地而後天也坤輿奠定凡高高
下下壹是散殊若網則綱矣肆誕以冠諸志

地圖

見前

良鄉縣志

卷一輿地志

星野

十九

星野

以星土辨九州古保章氏職也用春秋十二國
配十二辰班孟堅誌地理詳哉言之吾邑於全
燕微不啻黑子之著面將以析衡紀候襪祥難
矣雖然立國建都必起尋步不積微妙曷成廣
輪彼匹夫匹婦之誠尚足以動象緯矧一邑民
社之善敗耶箕峰氏志曰體生於地精成於天
政失於此謫見於彼若影響形聲然是以為政

者悟之而飭身正事思咎謝過則裁息而禍除
自然之符也其說爲不可易矣

爾雅幽州爲析木之次

周禮註尾箕爲幽州

史記天官書尾箕幽州

春秋元命苞尾箕散爲幽分爲燕國

西漢地理志燕地尾箕分野

天文志析木津之次中臺之下下臺之上

良鄉縣志



卷一輿地志

星野

二十

輿地志上谷入尾一度

文獻通考自尾十度爲析木於辰在寅燕之分
幽州又曰廣陽入箕九度



尾宿步天歌曰

九星如鉤蒼龍尾下頭五點號龜星
 上天河西一室是尾東一箇名傳說

傳說東畔一魚子尾西一室
 是神宮所以列在后妃中

箕宿步天歌曰

四星形狀如簸箕箕下三星
 如木杵箕前一星是糠粃

疆域

看古左馮翊右扶風界中稱難治嘗爲他州劇
豈非

京師五方相錯習尙弗醇有倍難治理者哉今農
作徙業較古難吾良邑綰

輦轂之首舍積徵發供億之頻仍於

畿邑中又最難夫最難者理則八方同風入治濯
俗直易易耳起視吾四封短長相覆僅四十里

良鄉縣志

卷一輿地志

疆域

二十二

而可以覘薄海之理亂考治者其察之

縣治在順天府西南七十里所轄境東西二十七里

南北五十二里

東十二里界宛平縣胡盧袋村至縣治七十里

村係

良宛
分轄

西十五里界房山縣開名莊至縣治二十五里

南四十里界涿州馮頭鎮至州治七十里

北十二里界房山縣公村至縣治二十五里

東南三十五里界宛一縣劉家莊至縣治七十里
西南四十里界房山縣李家莊至縣治二十五里
東北十二里界宛平縣軍流莊至縣治七十里
西北二十里界房山縣南茨尾村至縣治二十五
里
東北至京師廣安門五十五里
西南至保定府省會二百六十里
沿革

良鄉縣志

卷一輿地志

疆域

二十三

昔之賢者或迴車於勝母或息軫於朝歌謂名
實之不相遠也吾鄉以民物俱良得名西漢凡
幾革幾沿而迄今仍厥始稱於以標首善偉矣

按禹貢良鄉縣爲冀州域

周職方屬幽州

春秋戰國時在燕爲中都

兩漢置良鄉縣以其人物俱良故名

東漢爲廣陽縣

晉屬范陽國

元魏屬涿郡

北齊天保七年省入薊縣西境卽今大興縣武平六

年復置屬涿郡

隋開皇六年復屬幽州

唐聖曆元年改名固節神龍元年復爲良鄉縣

遼屬析津府

宋屬燕山府

良鄉縣志

卷一輿地志

沿革

二十四

金屬大興府

元屬大都路

明洪武元年八月隸北平府永樂元年改北平爲

天府屬焉

國朝仍名良鄉屬順天府近道屬屢易順治年間屬霸

州道康熙元年屬霸易道康熙八年屬霸昌道時八

府增守道衙門以稽錢穀巡道衙門以稽驛站刑名

等事

山川

邑之形勝北拱

都城南控涿鹿東襟滌水西擁房山西山之奇橫
若陳雲截若堵墻盧溝沅沅左縈右拂凡所以
雄天府壯神臯者邑皆得延之揖之然皆不隸
邑邑之山川則燎石岡琉璃等河沿眺稱異矣
燎石岡

在縣治東北里許南北孔道輪騎必出其下按

良鄉縣志

卷一輿地志

山川

二十五

金史作燎岡石皆赤色如煤故名平原廣陸忍
涌堆阜石勢散落如雷驅霞駁蓋體幹以獨立
標勝也上有多寶佛塔亦名塔崗

伏龍岡

方輿紀要伏龍岡形勢蜿蜒故名

琉璃河

縣治西南四十里金史作劉李河卽水經注聖
水也發源於房山縣龍泉峪南流至涿州境受

挾活胡梁諸水而滙於巨馬河橋爲朝宗孔道
四會輪蹄北望蘆溝雙虹對跨誠

畿南要隘也行船通保定天津商泊載百貨至此
易煤夏秋間帆檣鱗集舊志橋旁鐵柱莫考所
治大畧以鎮蛟螭川源沆瀣固宜神族所都矣
俯橋聽矚河聲觸梁逶迤而東大或飈霆小或
箏筑丹碧空行光影洞澈易劉李爲琉璃以形
色相轉注耳

良鄉縣志

卷一輿地志

山川

二十六

永定河

金門闡附

源出山西馬邑縣卽桑乾河又名清泉河一名
蘆溝河俗呼渾河古漯水也我朝

高祖仁皇帝周覽河道謂河流南趨保定與諸水會合
勢不能容泛濫爲患始爲隄障之

命巡撫于成龍等疏濬

賜名永定河自宛平縣公議莊入縣東南境距城三十
里南流經任家營窑上村達固安近年河水屢

決沿隄村莊俱成沙淤矣

金門閘

寬五十六丈進深五丈石迎水簾箕內寬五十六丈外寬六十一丈四尺進深二丈石出水簾箕內寬五十六丈外寬六十七丈三尺進深九丈南北二壩臺各寬十二丈進深十六丈金墻高八尺灰迎水簾箕內寬七十五丈外寬八十五丈進深五丈灰出水簾箕內寬七十五丈外

良鄉縣志

卷一輿地志

山川

二十七

寬八十五丈進深五丈南北迎水雁翅各長三十丈北出水雁翅長三十丈南出水雁翅長六十丈乾隆三十年建

計用銀十八萬六千一百一十二兩有奇

茨尾河

縣治西北發源於宛平縣佛兒門溝出房山縣南茨尾村入境至固村石橋南分流一注縣治西北隅遶城過下流趨東南名舊引河經徐家莊會新引河至石羊村東入牯牛河一爲新引

河東南流經大道三空橋至劉家莊西與護城
河下流合乾隆十年疏濬

廣陽河

縣治東北自房山縣北公村入境東南流其下
游卽牯牛河也水經注廣陽水出小廣陽西山
東流經廣陽縣故城北又東福祿水注焉乾隆
十年大學士鄂爾泰奏請疏濬二十八年重濬

雅河

良鄉縣志

卷一輿地志

山川

二十八

縣治北舊名鹽溝河卽水經注福祿水也源出
宛平縣之龍門口由房山縣新莊窠村入境東
南流經

御路大路至水碾屯西又里許經徐家莊東又里許
經葫蘆垡西又里許經梨園邨入牯牛河同治
十年永定河溢此道淤塞水勢南趨經于管營
梨村始與牯牛河會十一年知縣高建勳借民
力濬之奈岸爲沙淤築隄不能堅工竣後河水

冲刷兩岸坍塌溜前功盡棄惜哉又支河一道由米家莊西北分流東行經長陽村順大路旁南下至濟陽橋與正河會

牯牛河

縣治東南廣陽之下流境內眾水之所匯也南流經趙家莊老君堂又西南經陶村官莊至涿屬入琉璃河雍正六年乾隆十年疊經疏濬按漕河圖志及舊志無牯牛河謂廣陽鹽溝俱

良鄉縣志

卷一輿地志

山川

二十九

東入桑乾想自桑乾築隄後匯而南流遂有此

名

俗以挾活河爲牯牛河非

挾活河

縣治西南卽古挾河亦曰夾河自涿屬挾河村北入境東流經福興莊東又三里經平各莊東南又五里經南洛莊東興裡村北入琉璃河名勝志河水俱活東西不定故謂之挾活水一統志河出房山縣西南中浣谷一名韓村河同治

八年河身瘀塞潦水沖觸橋梁傾圯兼管順天府尹萬青藜命良涿房三處會議捐資濬修工甫竣而十年又逢霪潦水勢漲發上流決開支河一道由橋北橫亘而過折而北流順大路旁趨入琉璃河行人病涉視昔倍甚十一年復築石橋跨之車騎始便往來

減水河

縣治東南康熙三十七年開自金門開口起西

良鄉縣志

卷一輿地志

山川

三十

南流經韓家營入涿州境

籬笆房河溝

縣治北發源於房山縣朱家墳東流穿長陽村

北長安橋又折而南入雅河計長四里許

黃管屯河溝

縣治北發源於房山縣西王佐村西長陽村中

安陽橋東會籬笆房河入雅河計長三里許

義河

舊志在縣北一十五里昌黎鄉公村里流入廣

陽河今涸

北 南
涉溝

舊志在縣東一曰洹水至涿州北入桃水今俱
無存滄桑之變已有年矣

龍泉

舊志在縣治西北十八里有里人郭氏見地浸
潤以杖撥之有泉湧出味甘美東流合鹽溝河

良鄉縣志

卷一輿地志

山川

三十一

今涸

風俗

禹貢周職方紀山川土物澤藪民數而不紀風
俗謂氣質原於水土人材係於教化先王省方
以考之立政以齊之仁鄙勇怯惟其所尚固難
以方域區也自前漢地理志多引國風以證習
俗讀者議其詳於周而略於漢正謂民氣與時
推移一切援古爲斷或失則疎然溯原沿委以

考鏡時變以酌劑張弛奚可缺也舊志雜採傳
紀皆概統全燕於邑無專紀茲紀焉如左以存
風土之略云

爾雅疏燕其氣深要厥性剽疾

管子燕之水萃下而弱沈滯而禱故其民愚戇而好
貞輕疾而易死

漢書地理志其俗愚悍少慮敢于急人燕丹遺風也
隋書地理志自古言勇俠者皆推幽并然涿郡自前

良鄉縣志

卷一輿地志

風俗

三十二

代以來多文雅之士

輿地志人性寬舒

韓愈集燕趙古稱多感慨悲歌之士

范鎮幽都賦風俗樸茂

地志水甘土厚人多技藝敦好禮義崇尚廉恥而民
易化

方輿勝覽民務農桑士習詩書無強暴相凌之風有
寡求不爭之習

冠禮

士大夫家子弟十六父命加冠或岳丈為壻加冠今禮廢

婚禮

子女及婚期男先求女具啟通書允則下定六禮畢舉田里細民亦有不能全備者

喪禮

初終詣五道土地等廟焚紙求魂三日始殮訃聞親友問弔受賻初喪之日不飲酒不茹葷不取親不作樂葬後沿門拜謝持服三年

祭禮

士大夫家有家廟祠堂者祭於廟堂無廟堂者室中設一龕奉神主逢節祭拜朔望焚祝出入

祇告四時供鮮生子娶婦諸事必祭之

歲正月元旦

祀神祀先換新衣謁官師拜尊長親識往來交拜候陰晴觀日色以占年歲豐

歉預治肴蔬三日內不煮生不煎炒迎喜神貴神立春前一日迎于東郊觀土牛飲春宴結彩演劇

良鄉縣志

卷一輿地志 風俗

與民同樂初七日携酒登高十五日元宵張燈遊文廟走泮橋食瓜種元宵放花炮弛夜禁十六

日携酒饋往燎石崗繞塔俗云走百病十九日燕九節士民郊飲有馬者馳聘為樂

二月二日

俗名龍抬頭日農家向井引龍紳士祀文昌帝君作煎餅熏虫五更時敲房樑避蝎

蛇等毒

三月三日

祀真武上帝二十八日祀賽城隍清明日士女頭戴柳枝家家祭掃祖坟

四月八日

浴佛禁屠宰一日

五月五日

泛菖蒲酒懸符艾食角黍用雄黃硃砂塗小兒耳鼻更用五色絨為續命索繫手足

並頸士民或踏青郊外臨流稱觴相娛

六月六日 晒麵作醬晒書畫及皮

七月七日 婦女乞巧投針於水借日影以驗工拙至夜仍乞巧於織女十五日門西傍供麻谷

中元省墓祀先建醮赦孤放河燈

八月十五日 中秋禮月列瓜果棗餅親友互相餽送

九月九日 士民蒸糕移菊相贈登高賦詩

十月一日 焚寒衣祀祖先

十一月 冬至日士大夫拜與元旦禮同

十二月八日 用各色豆米菓物作粥食之亦有食麵者二十三日晚用糖祀灶卜吉除夕男

良鄉縣志

卷一輿地志 風俗

三十四

婦禮拜尊長用辭舊歲換桃符及門神貼掛錢並春聯迎祖先接灶君院舍布芝麻楷爆竹送瘟夜則燎木頭於天井雜松栢枝燒蒼术辟瘟丹農家以高長草把點炤庭火占歲熟綁千金木以備次

早擲祝良鄉楊志

城池 鄉閭附

有土者恃險恃陋其失均也邑腹於三輔城塹之設拒鼠竊小腆耳梯衝固非所慮也雅有之實墉實壑蓋無廢一邑之備可焉

城

周一千三百丈計六里三分門四東曰迎曦西
曰寶成南曰就日北曰拱辰頂寬二丈底寬四
丈高三丈舊志原係土城高二丈明隆慶中知
縣安上達詳請官帑治甃易灰高三丈二尺但
西門缺甃城垂二十年知縣王道定補之崇正
庚午裏面土城修補增寬

國朝二百餘年迄未大修城樓皆就傾圮內面亦
多坍塌西門迤南爲居民使土成坑塹夏間渟

良鄉縣志

卷一輿地志

城池

三十五

潦近蝕城基後屢經出示禁之

池

舊志引房山縣磁家務漫漢水河又引怪陀村
龍泉今則漢水不通龍泉已涸以茨尾河爲上
流矣四面石橋各一但東北面河身久淤疏濬
之工現有不逮是所望於後君子

城內

東大街

駐防營街

市口

後衛

守府斜街

西大街

西下坡

牲口市

馬號街

縣署前街

縣署後街

飲馬井

城隍廟街

南大街

史家衚衕

羅府街

天王寺街

良鄉縣志

卷一輿地志

鄉閭

三十六

倉房衚衕

黃土炕街

雙井

南衚衕

礮盤街

東斜街

官學

南城根

北大街

陸家衚衕

喬家衚衕

後井

滑車井

眞武廟街

苦水井

中十字口

南十字口

北十字口

城外

東關

甲長一管村莊五

塔灣村

距城三里

梅家莊

距城三里

後店

距城三里

西北關

距城三里

魚兒溝

距城五里

西關

甲長一管村莊二

西楊家莊

距城二里

西太平莊

距城二里

良鄉縣志

卷一輿地志

鄉閭

三十七

蘇家莊

距城二里

南關

甲長一管村莊六

紙房村

距城一里

東楊家莊

距城一里

徐家莊

距城三里

常家莊

距城三里

前家崗村

距城三里

黑狗臺村

距城五里

北關

東關甲長代管

里屯

邑之里屯原額二十有五按舊志初裁三里繼

併二里至康熙年祇存里屯二十後復增永清
興州良牧三屯共爲里屯二十有三同治二年
順天府允札飭所屬舉公正紳耆董率其事以
清查保甲誠良法美意本邑近隸
畿疆地稱首善不得以里屯寥寥而遂淹沒不彰
也

美化里八甲

治東一里

厚俗里十甲

治東一里

公村里八甲

治東十里

廣陽里五甲

治東十里

良鄉縣志

卷一輿地志

里屯

三十八

辛莊里十甲

治東十里

丁修里九甲

治東三十里

陶村里九甲

治東二十五里

路村里九甲

治南三十里

石羊里七甲

治南十里

北召里十甲

治東二十五里

高舍里十甲

治南十五里

興禮里九甲

治東南三十里

燕谷里十甲

治南四十里

重義里九甲

治西十三里

永豐里九甲

治西五里

永安里十甲

治西十一里

安化屯五甲

治西十五里

福善屯九甲

治西十二里

永清屯五甲

治南十里

興州屯五甲

治南二十五里

豐足屯六甲

治東一里

鼓腹屯九甲

治東一里

良牧屯一甲

治東一里

初裁三里

美化坊

邑西里

邑南里

繼併二里

巨富屯

治南十里併入燕谷里

普安屯

治南十八里併入厚俗里

村店

以云實也有不必詳煮以云名也有不可略者

良鄉縣志

卷一輿地志

村店

三十九

悉如舊誌誌之

治東

兼東南

魯村

距城六里

小營村

距城八里

梨村

距城八里

水滄屯

距城八里

葫蘆堡

距城十二里

魚管營

距城六里梨村甲長代管

劉家莊

距城十里後石羊甲長代管

後石羊

距城十二里

侯家莊

距城十五里西石羊甲長代管

西石羊

距城十二里

趙家莊

距城十六里東石羊甲長代管

東石羊

距城十三里

陳家柳子

距城十八里張謝村甲長代管

張謝村

距城十五里

任家營

距城二十里

下禪坊

距城十五里

陶村

距城三十里

老君堂

距城二十五里

賈河村

距城三十里

窑上村

距城三十里

曹家莊

距城三十里

鮑家莊

距城三十里

保安莊

距城三十五里

北章客

距城三十里

韓家營

距城三十五里

南章客

距城三十里

丁村

距城四十里

錢管營

距城三十五里

良鄉縣志

卷一輿地志

村店

四十

治西

兼西南

蕭家莊

距城五里

富家莊

距城五里

元武屯

距城五里

閻村

距城六里

固村

距城五里

炒米店

距城八里

南梨園

距城八里

邢家塢

距城八里

大紫草塢

距城八里

劉丈村

距城八里

分水嶺

距城八里

大十三里

距城十里

小紫草塢

距城十二里

張家莊

距城十二里

吳家莊

距城十二里

後十三里

距城十三里

小十三里

距城十五里

小董村

距城十五里

小高舍

距城十五里

江村

距城十五里

大高舍

距城十五里

交道村

距城十八里

六股道

距城十八里

七里店

距城二十里

望楚村

距城二十里

馬家莊

距城二十里望楚甲長代管

普安屯

距城二十里

丁各莊

距城二十五里

竇店鎮

距城二十五里

白草窪

距城二十七里竇店代管

良鄉縣志

卷一輿地志

村店

四十一

治南

務子村

距城二十五里

興隆莊

距城二十里

莊頭村

距城二十五里

劉平莊

距城二十五里

袁家莊

距城二十五里

北召村

距城二十五里袁家莊甲長代管

立教村

距城三十里

南召村

距城三十里

太平莊

距城三十里

常舍村

距城三十里

石村

距城三十里

東南呂

距城三十里

西南呂

距城三十里

南白村

距城三十里

保興莊

距城三十五里

官莊

距城三十二里

琉璃店

距城三十五里

北白村

距城三十五里

興禮村

距城三十五里

薛家莊

距城三十五里

章村

距城三十里

祖村

距城四十里

琉璃河

距城四十里

平各莊

距城四十二里

路村

距城三十里

北洛村

距城四十三里

南洛村

距城四十五里

福興村

距城四十五里

羊合莊

距城四十五里

小務村

距城四十五里
祖村甲長代管

良鄉縣志

卷一輿地志

村店

四十二

治北

兼東北西北

占家莊

距城五里

大馬店

距城五里

安家莊

距城五里

黃辛莊

距城二里

楊家井

距城五里

五里店

距城五里

小馬村

距城六里

鐵匠營

距城八里

長羊村

距城八里

廣陽城

距城八里長羊
村甲長代管

籬笆房

距城八里長羊
村甲長代管

雅河

距城八里長羊
村甲長代管

南上崗

距城八里

劉家莊

距城八里

賀照雲 距城八里

苑村 距城八里

黃管屯 距城十二里

王家莊 距城十二里

盧尙書墳 距城十二里

廟兒崗 距城十二里

米良屯 距城十二里

莊窠村 距城十五里

怪坨村 距城十五里

豆各莊 距城十六里

小苑上 距城十八里

果各莊 距城十二里

南坊村 距城十八里

崇各莊 距城十五里

官地村 距城二十里

良鄉縣志

卷一輿地志

市集

四十三

市集

魯邑侯文崖君曰觀市集之少則邑之貧可知

噫徵邑貧於市少信矣顧市少非邑患也古者

貧不闕於廛則家給用矣技不工於鬻則俗尙

儉矣業不淫於末則本務亟矣市少非邑患也

集之期之地之數盖易代無變亦足徵民氣之

顛樸焉

城內

東大街 逢月之六日

西大街 逢月之一日

南大街 逢月之三日

北大街 逢月之八日

鄉鎮

竇店 逢月之五日十日

琉璃河 逢月之二四七九日

文道 逢月之一四六九日

良鄉縣志

卷一輿地志

市集

四十四

官莊 逢月之二四七九日

古蹟

燕薊古都會也邑爲走集首區是宜不朽之蹟
多足記者而遠考載藉邇詢獻民覩記潤焉少
所稱述亦獨何與夫以酈元之窮博絕麗探蹟
索幽衡宇梓枌密邇相望而傳註俱在採緝寥
寥良可慨矣抑豈俗尙樸儻好事者寡雖有枸
戈汲簡亦蔓草同其榮落皆未可知也舊志書

跡間多訛畧用仍其故以尙缺文可爾

廣陽城

在良鄉縣東北漢舊縣北齊省入薊縣

陽鄉城

在縣南二十五里舊店西一里許舊傳竇建德

築考唐史高祖武德元年爲夏王竇建德五鳳

元年戊寅長樂王建德定都樂壽

今河間府獻縣

初隋

河間郡丞王琮守城建德攻之不下琮聞煬帝

良鄉縣志

卷一輿地志

古蹟

四十五

凶問帥吏民發喪建德遣使弔之琮乃降言及
隋亡俯伏流涕建德亦爲之泣諸將請烹之建
德曰琮忠臣也吾方賞之以勸事君奈何殺之
先是建德陷景城將殺戶曹張元素縣民請代
其死曰戶曹清慎無比殺之何以勸善乃釋之
冬夏王建德取深冀易定等州時有大鳥五集
於樂壽羣鳥數萬從之又有得元圭以獻者建
德羣臣曰此天之所以錫大禹也乃改國號夏

斯城或此時所建歟按陽鄉城漢舊縣晉改良鄉齊初入薊縣後入涿郡

五古城

按舊志在邑東三里許燎石枝崗上五城分列各去里許墻高二丈厚可三丈圓如規畫各圓二里今則遺址僅存而城復于隍矣

觀蓮池

在邑南三十五里立教村西卽琉璃河下流分

良鄉縣志

卷一輿地志

古蹟

四十六

出也金狀元梁斗南種蓮於此廣六頃今淤平

成陸

多寶佛塔

隋建在燎石崗上五級玲瓏高十五丈圍十五丈四面門二十座階級環上北望 都城南眺涿鹿舉在目前唐尉遲公敬德重修

黑狗臺

在縣南五里許其周五十丈高四丈相傳金時

里人王恭犬甚馴出必以隨一日恭醉卧道傍
草中有野火延燒犬身淹塩溝河水以濡其草
恭寤見草盡濕始知火滅由於犬而犬以力竭
斃矣遂負歸築臺葬之故名

義井

在舊店東前明義士楊瑄捐資穿井水甘而不
竭居民賴之故稱爲義井

